



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 14 (12.575)

Баҳоси эркин нарҳда

Ўзбекистон Республикаси Вазирлар Маҳкамаси мажлисининг
ҚАРОИ

2013 йилда Республикани ИЖТИМОЙ-ИҚТИСОДИЙ РИВОЖЛАНТИРИШ ЯКУНЛАРИ ВА 2014 йилги ИҚТИСОДИЙ ДАСТУРНИНГ ЭНГ МУҲИМ УСТУВОР ВАЗИФАЛАРИ ТЎҒРИСИДА

1. Вазирлар Маҳкамаси қайд этадики, 2013 йилги иқтисодий дастурнинг энг муҳим устувор вазифаларини мақсадга йўналтирилган ҳолда ва тизимли амалга ошириш натижасида ўсишнинг барқарор юқори суръатларини, макроиқтисодий мувозанатлиликни сақлаш, мамлакат иқтисодиётини модернизациялаш ва диверсификациялаш таъминланди.

Мамлакатнинг ялпи ички маҳсулоти 8 фоизга, саноат маҳсулоти ишлаб чиқариш ҳажми 8,8 фоизга, қишлоқ хўжалиги маҳсулотлари етиштириш ҳажми 6,8 фоизга, пудрат қурилиш ишлари ҳажми 16,6 фоизга, хизматлар кўрсатиш ҳажми 13,5 фоизга, чакана товар айланмаси ҳажми 14,8 фоизга ўсди. Ялпи ички маҳсулотнинг таркибидан хизматлар кўрсатиш улуши 59 фоизгача ўсди.

Давлат бюджети профицит билан ижро этилди. Инфляция даражаси прогнозидан паст бўлди ва 6,8 фоизни ташкил этди.

2013 йилда ўзлаштирилган инвестициялар ҳажми эквивалентда 13,0 миллиард долларни ташкил этиб, 2012 йилдагига нисбатан 11,3 фоизга ўсди. Хорижий инвестициялар ҳажми 3,0 миллиард АҚШ долларидан ортқ бўлди, унинг 72 фоизидан ортқи тўғридан-тўғри хорижий инвестициялардир. Инвестиция дастури доирасида ишлаб чиқариш йўналишида умумий қиймати қарийб 2,7 миллиард АҚШ долларини ташкил этган 150 та лойиҳани амалга ошириш тугалланди.

Ишлаб чиқариш чикимларини рационаллаштириш, энергияни тежайдиган технологияларни жорий этиш чора-тадбирларнинг амалга оширилиши натижасида ишлаб чиқарилаётган маҳсулот ўртача 11,2 фоизга, ялпи ички маҳсулотнинг энергия сарфи кўрсаткичини эса 15,3 фоизга пасайтириш таъминланди.

Жаҳон бозори конъюктурасининг бекарорлигига қарамай, экспорт ҳажмининг 10,9 фоизга ўсиши таъминланди ва ташқи савдо айланмасининг 1,3 миллиард АҚШ доллари миқдоридаги ижобий сальдосига эришилди. Жами экспорт ҳажмининг 72 фоиздан ортқи хом ашё бўлмаган товарларга тўғри келди.

Республиканинг банк тизими барқарор фаолият кўрсатмоқда, унинг капитал етарлиги даражаси минимал халқаро стандартлардан 3 барабар ортқ миқдорда сақланиб қолмоқда, ликвидлиги эса энг юқори талаблардан 2,2 барабар кўндир. Ўтган йили тижорат банкларининг жами капитали 25 фоизга кўпайди, кредит портфели жами суммасининг 80 фоизга яқини ички манбалар ҳиссасига тўғри келади.

Қулай ишбилармонлик муҳитини шакллантириш борасида тизимли чора-тадбирларнинг амалга оширилиши кичик бизнес соҳасини янада ривожлантиришга кўмаклашди. Кичик тадбиркорлик соҳасида 26 мингтадан ортқ янги субъект ташкил этилди, унинг ялпи ички маҳсулотдаги улуши эса 55,8 фоизгача ўсди.

Аҳоли бандлигини ошириш дастурини бажариш юзасидан қўрилган чора-тадбирлар 2013 йилда қарийб 970 минг нафар кишининг ишга жойлаштирилишини таъминлади, улардан 60,3 фоиздан ортқи қишлоқ жойларга тўғри келади. Касб-хунар коллежларининг 500 минг нафардан ортқ битирувчилари ишга жойлаштирилди.

Аҳоли турмуш даражаси ва сифатини ошириш юзасидан комплекс чора-тадбирлар амалга оширилди. 2013 йилда бюджет ташкилотлари ходимларининг иш ҳақи, пенсиялар, стипендиялар ва ижтимоий нафақалар миқдори 20,8 фоизга, аҳолининг реал даромадлари эса – 16 фоизга ўсди. Аҳоли жами даромадларининг ярмидан ортқи тадбиркорлик даромадлари улушига тўғри келади.

Қишлоқ жойларда 353 та мавзеда умумий турар-жой майдони 1,5 миллион квадрат метрдан ортқ бўлган 10 мингта шинам уйлар қурилди, бу ўтган йилдагига нисбатан 17 фоиз кўндир.

Шу билан бирга, тўлақонли рақобат муҳитини шакллантириш, бизнесни юритиш шарт-шароитлари юзасидан қабул қилинаётган ва амалга оширилаётган чора-тадбирлар ҳали эркин бозор иқтисодиёти талаблари ва тамойилларига, умумий қабул қилинган халқаро нормаларга мувофиқ эмас.

Ишлаб чиқариш чикимларининг, ишлаб чиқарилаётган маҳсулотларга материаллар ва энергия сарфининг юқорилиги, шунингдек, солиқ имтиёзлари ва преференцияларга ҳаддан ташқари берилиш рақобатбардошлиликни оширишда жиддий тўсиқ бўлмоқда. 140 тадан ортқ корхона, жумладан, 67 та йирик корхона ҳанузгача зарар кўриб ишламоқда.

2. Мамлакатни узоқ муддатли ривожлантиришнинг дастурий мақсадларидан келиб чиқиб, қуйидагилар 2014 йилги иқтисодий дастурнинг энг муҳим вазифалари ва устувор йўналишлари этиб белгилансин:

иқтисодиётни ўстиришнинг барқарор юқори суръатларини таъминлаш бўйича қабул қилинган стратегияни давом эттириш, бунинг учун мавжуд резервлар ва имкониятларни сафарбар этиш;

саноатда юқори технологияли ва замонавий бўлган энг муҳим объектлар ҳамда қувватлари ишга тушириш, инвестиция жараёнини ошириш ва такомиллаштириш;

мамлакатда ишлаб чиқаришни техник ва технологик жиҳатдан янгилаш ва модернизациялашнинг, жаҳон бозорларига чиқишнинг асосий омилни ҳисобланган тўлақонли рақобат муҳитини шакллантириш;

ишбилармонлик муҳитини («бизнес билан шуғуллан» тамойили бўйича) шакллантириш, кичик бизнес ва хусусий тадбиркорликни ҳар томонлама қўллаб-қувватлаш ва янада рағбатлантириш;

ижтимоий соҳани ривожлантириш, иш ўринлари ташкил этиш ва аҳолининг иш билан бандлигини таъминлаш, уй-жойлар қуриш ва аҳоли пунктларини ободонлаштириш, таълим жараёнини ва соғлиқни сақлаш соҳасини ислох қилишни давом эттириш ва такомиллаштириш;

«Соғлом бола йили» Давлат дастурини амалга ошириш.

3. Вазирлар Маҳкамаси 2014 йилги иқтисодий дастурнинг энг муҳим устувор вазифалари амалга оширилиши юзасидан тизимли назорат ўрнатсин, тегишли вазирликлар, идоралар, ишлаб чиқариш тузилмалари ва иқтисодий тузилмалар раҳбарларининг айрим иқтисодиёт тармоқлари ва соҳаларидаги ишларнинг ҳолати тўғрисидаги ҳисоботларини йилнинг ҳар чорағида эшитиб борсин.

4. Ўзбекистон Республикаси Бош вазирининг ўринбосарлари – Вазирлар Маҳкамаси комплекслари раҳбарлари вазирликлар, идоралар, акциядорлик компаниялари, уюшмалар ва йирик корхоналар – бюрократлар, пудрат қурилиш ташкилотлари билан биргаликда икки ҳафта муддатда 2014 йилги Инвестиция дастурида назарда тутилган объектлар ва ишлаб чиқариш қувватлари қурилишини тугаллаш ва ишга туширишнинг тармоқ жадалларини тасдиқласинлар.

Вазирлар Маҳкамаси Инвестиция дастурининг амалга оширилишини йилнинг ҳар чорағида Вазирлар Маҳкамаси мажлисларида кўриб чиқсин.

5. Вазирлар Маҳкамаси, Иқтисодиёт вазирлиги (Саидова), Молия вазирлиги (Гуськова), Хусусийлаштириш, монополиядан чиқариш ва рақобатни ривожлантириш давлат қўмитаси (Абдуҳақимов) манфаатдор тузилмаларни жалб этган ҳолда уч ой муддатда ҳар бир норентабел корхона бўйича уларни молиявий инқироздан ва амалдаги банкротликдан чиқариш дастури – «йўл хариталари»ни ишлаб чиқсинлар ва тасдиқласинлар. Ҳолатига молиявий соғломлаштириш бўйича тақлиф этилаётган чора-тадбирлар ижобий таъсир кўрсатмайдиган корхоналар «нолга тенг қиймат» бўйича хусусий тадбиркорларга сотилсин.

(Давоми 2-бетда)

ПОЙТАХТНИНГ БИР КУНИ



2014 йил — Соғлом бола йили

СОҒЛОМ БОЛА — ЮРТ ТАЯНЧИ



Пойтахтнинг Мирзо Улугбек туманидаги 525-мактабгача таълим муассасасида 240 нафар ўғил-қиз тарбияланмоқда.

Мазкур муассасада ёш авлоднинг ҳар томонлама соғлом ўсиши, ўқиб-ўрганиши, мусиқа ва санъат йўналишида иқтидорини намойён этиши учун барча шароит яратилган. 50 дан ортқ малякали тарбиячи-педагог интерфаол усуллардан, кўргазмали воситалар ва

ўйинчоқлардан унумли фойдаланади.

СУРАТЛАРДА: тарбиячи Лаура Агаранян тарбияланувчилар Шахриёр Ҳидоятлов (чапда) ва Саидакмал Зафархўжаев билан машғулот пайтида. Машғулотдан лавҳалар. Мухаммад АМИН (ЎЗА) олган суратлар

АЁЛЛАРНИНГ ЖАМИЯТДАГИ НУФУЗИ ЮКСАЛМОҚДА

Давлатимиз раҳбарининг 2004 йил 25 майда қабул қилинган «Ўзбекистон Хотин-қизлар қўмитаси фаолиятини қўллаб-қувватлаш борасидаги қўшимча чора-тадбирлар тўғрисида»ги Фармони хотин-қизларнинг ҳуқуқларини ҳимоялаш, жамият ижтимоий-сиёсий, иқтисодий ва маданий ҳаётидаги фаол иштирокчи таъминлаш, маънавий ва интеллектуал салоҳиятини юксалтиришда муҳим омил бўлмоқда.

Мамлакатимизда хотин-қизларнинг ўз имкониятларини тўлиқ намойён этиши учун тегишли ҳуқуқий асослар яратилган. Ташкилотчилик, тадбиркорлик, ишбилармонлик қобилиятига эга хотин-қизлар барча соҳаларда фаол иштирок этмоқда. Уй бекаларини меҳнатга, фаол турмуш тарзига жалб этишда касаначилик, оилавий тадбиркорлик имкониятларидан кенг фойдаланилмоқда. Тадбиркор хотин-қизлар сафини янада кенгайтириш мақсадида уларнинг билим ва малакасини оширишга алоҳида эътибор қаратилаётди.

2013 йили тижорат банклари томонидан аёллар тадбиркорлигини ҳар томонлама ривожлантириш ва молиявий қўллаб-қувватлаш учун 700 миллиард сўмга яқин кредитлар ажратилгани фикримизнинг тасдиғидир. Эътиборлиси, бу кўрсаткич 2012 йилга нисбатан 141,9 фоиз ўсган. Натижада минглаб хотин-қиз ўз бизнесини ташкил қилиб, оиласи, эл-юртимиз учун наф келтирмоқда.

Ўзбекистон Республикаси Хотин-қизлар қўмитасида хотин-қизлар томонидан олиб борилаётган ишларни янада юқори босқичга кўтариш, бу жараёнда қўмита бошланғич ташкилотлари фаолияти самарадорлигини ошириш масалаларига бағишлаб ташкил этилган семинарда шулар ҳақида сўз юритилди.

Тадбирда мамлакатимизда хотин-қизларнинг жамият ҳаётида фаол иштирок этиши учун улкан имкониятлар яратилаётгани ўзининг юксак самараларини бераётгани таъкидланди. Жумладан, 2013 йилда ўн миллион нафардан ортқ туғилган ёшдаги хотин-қиз чуқур тиббий кўриқдан ўтказилиб, беш миллион нафарга яқин аёл соғломлаштирилди.

(Давоми 2-бетда)

XXI ҳаср саҳоси

МАМЛАКАТИМИЗДА

• Милиция таянч пунктларининг нуфузини янада ошириш ҳамда фаолиятини такомиллаштириш, профилактика инспекторлари билан кенг жамоатчилик ҳамкорлигини мустаҳкамлаш мақсадида ташкил этилган «Намунали милиция таянч пункти» анъанавий кўрик-танловининг Самарқанд вилоят босқичи голиб ва совриндорлари аниқланди. Танловда «Баркамол авлод етакчиси», «Энг обод ва осуда маҳалла раиси», «Маърифатпарвар маслаҳатчи», «Энг фаол хотин-қизлар қўмитаси раиси» каби номинациялар бўйича ҳам голиблар аниқланиб, ташкилотчилар томонидан муносиб тақдирланди.

• Тошкент ҳарбий округига қарашли ҳарбий қисм ва муассасаларда муддатли ҳарбий хизматни ўтаётган аскарлар тест синовларини топширди. Ушбу синов натижаларига кўра, жанговар, ҳарбий интизом, маънавий-маърифий тайёргарлик бўйича энг кўп балл тўплаган муддатли ҳарбий хизматчиларга мамлакатимиз олий таълим муассасаларига имтиёзли асосда ўқишга кириш имконини берадиган тавсияномалар берилди.

• Зарафшон шаҳридаги «Агама» тўқу-трикотаж фабрикасида 335 нафар ишчи меҳнат қилади. Тикувчилик ҳамда тўқимачилик маҳсулотлари тайёрланадиган корхона Навоий кон-металлургия комбинати қарашли ишлаб чиқариш ташкилотлари учун ва ички бозорга харидор-гир маҳсулотлар етказиб бераётди. Айни кунларда фабрикада кенг қўламли модернизация ишлари олиб борилаётган. Илгари тўқимачилик маҳсулотлари тайёрлаш учун ип-калава сотиб олинар эди. Эндиликда ҳамкор инвесторларни жалб қилган ҳолда, ярим тайёр хомашё – ип-калава шу ернинг ўзида ишлаб чиқарилиб, рақобатбардош маҳсулотлар тайёрлаш қўлами янада кенгайди.

• Наманган вилоят ҳокимлигида БМТ Тараққиёт дастурининг «Маҳаллий бошқарув тизимини қўллаб-қувватлаш: фуқаролик иштироки ва ҳамкорлик» қўшма лойиҳаси бўйича вилоятда 2010-2013 йилларда амалга оширилган ишлар ва 2014-2017 йиллардаги истиқболли режаларга бағишланган учрашув бўлиб ўтди.

ЖАҲОНДА

• Испания тараққиёт вазирани Ана Пастор Панама президенти Рикардо Мартинелли билан Атлантика ҳамда Тинч океанини ўзаро боғловчи Панама канали кенгайтирилишини хавф остига қўйган муаммолар бўйича музокаралар ўтказди. Чунки яқинда канални кенгайтириш билан шуғулланаётган компаниялар ишни тўхтатиши мумкинлигини билдиришди. Бунга лойиҳа қиймати бирдан қарийб 1,5 миллиард доллар миқдорга ошириб юборилганлиги сабаб бўлди.

• Бу йил Хитойда бешта хусусий банк очилади. Янги молия муассасалари дастлабки пайтда мамлакатнинг банклар фаолиятини мувофиқлаштирувчи ташкилотлари назорати остида иш олиб боради. Хитой сўнгги пайтда ўзининг молия соҳаси янада очик бўлишига ва тармоқда рақобатни ривожлантиришга эътибор қаратмоқда. Хусусий сармоялар мавжуд банклар фаолиятини такомиллаштириш, шунингдек, янгиларини ташкил этишга йўналтирилди.

• Британия кинематографиясининг энг яхши актёри деган номга сэр Шон Коннери сазовор бўлди. У 007 рақамли махфий агент — Жеймс Бонд ролини ўйнаб, бутун дунёга машҳур бўлган. Катта таъсирга эга «Q Score» компанияси томонидан тузилган ва Буюк Британия оммавий ахборот воситаларида эълон қилинган рейтинг натижаларида шу тўғрида маълум қилинган.

